
Poštovani,

U nastavku šaljem saopštenje za medije:

U svom pismu upućenom Savjetu bezbjednosti Ujedinjenih nacija 3. jula 2025. godine, Država Palestina je naglasila da međunarodna zajednica mora djelovati kako bi zaustavila izraelski zločinački pohod, prije nego što budu oduzeti novi nevini životi i prije nego što međunarodni pravni poredak, mukotrpno građen posljednjih 80 godina, bude dodatno i nepovratno narušen — na štetu svih.

Izrael intenzivira svoj genocidni napad na palestinski narod, svakodnevno izazivajući masakr i prosječno više od 100 žrtava dnevno. Cijeli jedan narod biva dehumanizovan i sistematski uništavan pred očima svijeta — bez zaštite, bez posljedica. Pod komandom izraelskog premijera, koji mjesecima blokira primirje nakon što ga je otvoreno prekršio, izraelske okupacione snage (IOF) sprovode nezapamćeni zločinački pohod, bombardujući ono što je preostalo od gradova, naselja i izbjegličkih kampova u Gazi, ubijajući djecu, žene i muškarce, likvidirajući ljekare, novinare i humanitarce, sprječavajući dostavu pomoći, izgladnjujući stanovništvo i višestruko ih nasilno raseljavajući, ne ostavljajući nikoga i ništa netaknutim.

Pozivi na nasilje i izjave izraelskih zvaničnika ne ostavljaju sumnju u ciljeve ove bijesne kampanje: brisanje autohtonog palestinskog naroda i razaranje njegovog društva — kuću po kuću, školu po školu, bolnicu po bolnicu, kvart po kvart, porodicu po porodicu. Dok svijet nastavlja da ne ispunjava svoje dužnosti da spriječi i kazni zločin genocida i procesuirati ratne zločine i zločine protiv čovječnosti, Izraelu se ujedno dozvoljava da rastavi na dijelove međunarodni pravni poredak, koji je stvoren kako bi čovječanstvo bilo zaštićeno od ovakvih zločina.

Izrael, kao okupatorska sila, nelegitimno se poziva na pravo na samoodbranu, kako bi prikrio etničko čišćenje palestinskog naroda i svoje aneksione planove na okupiranoj palestinskoj teritoriji. I dalje — bez odgovornosti, bez posljedica.

I tako se zločini nastavljaju, uprkos globalnoj osudi najnovije ilegalne šeme — takozvane „Humanitarne Fondacije za Gazu“ (GHF), koja sprječava UN agencije i humanitarne organizacije da pristupe Gazi, insistirajući da niko ne smije pomagati palestinskom narodu, niko ne smije štititi ili spasavati stanovništvo od izgladnjivanja — samo Izrael može odlučiti ko će živjeti, a ko umrijeti.

Preko 600 Palestinaca je ubijeno, a više od 4.000 ranjeno dok su čekali pomoć kod tzv. GHF „tačaka distribucije pomoći“, gdje izraelski vojnici i plaćenici GHF-a namjerno pucaju na nenaoružane civile koji dolaze po hranu. Svjedočenja izraelskih vojnika, objavljena 27. juna u izraelskom listu *Haaretz* pod naslovom „To je polje smrti“, otkrivaju naređenja koja

dozvoljavaju izraelskim vojnicima da pucaju s namjerom da ubiju Palestince na tim lokacijama.

Izraelski vojnici su takođe otkrili da privatni izvođači dobijaju oko 5.000 šekela (1.500 dolara) za svaku kuću koju sruše u Gazi. Prema riječima jednog vojnika: „Zarađuju bogatstvo. Svaki trenutak kad ne ruše kuće, za njih je gubitak, a vojska mora da im obezbijedi teren“.

Palestinski civili su doslovno mamljeni u smrt putem GHF-a. Posebno su žene, djeca (uključujući hiljade siročadi), stariji i osobe sa invaliditetom ostavljeni da gladuju i dehidriraju, zarobljeni u ovoj distopijskoj šemi.

Kako je naglasio šef kancelarije UN OCHA u okupiranoj palestinskoj teritoriji, Jonathan Whittall: „To je izgladnjivanje kao oružje. To je prisilno raseljavanje. To je smrtonosna presuda za ljude koji pokušavaju preživjeti. Sve zajedno, to izgleda kao brisanje palestinskog života iz Gaze“.

Humanitarni sistem se namjerno i sistematski uništava kroz izraelsku blokadu i ograničenja, dok broj žrtava genocidne mašinerije raste. Zaključno sa 2. julom, ubijeno je više od *57.012 Palestinaca*, dok ih je *134.592 ranjeno*. Među ubijenima je *1.861 beba uzrasta od jednog dana do jedne godine*, a broj ubijene djece premašuje *18.000*, dok se hiljade i dalje vode kao nestale.

Ubistva lekara se takođe nastavljaju. Dana 2. jula, dr Marwan al-Sultan, istaknuti kardiolog i direktor Indonezijske bolnice, ubijen je zajedno sa svojom porodicom, nakon što je 635 dana bez prestanka liječio ranjene u ovom genocidu. Više od *1.400 lekara, medicinskih sestara i bolničara* ubijeno je od oktobra 2023.

Novinari su takođe meta. U izraelskom napadu 30. juna na kafić al-Baqa'a, pomoću bombe od 500 funti (oko 230 kilograma), ubijeno je najmanje 36 Palestinaca, uključujući novinare, filmskog režisera, majke i djecu, dok su desetine ranjene.

Izraelsko uništavanje palestinskog života nije ograničeno samo na Gazu. Okupatorska vojska i naseljenici nastavljaju napade i u ostatku okupirane Palestine, uključujući Istočni Jerusalim. Nedavni napad više od 100 izraelskih doseljenika na selo Kufr Malik doveo je do ubistva tri Palestinca, ranjavanja više civila i paljenja kuća i automobila.

Zajednice u Masafer Jatti, koje godinama odolijevaju progonu i naseljeničkom teroru, sada su pred potpunim uništenjem. Vojna naredba od 18. juna, pod lažnim bezbjednosnim izgovorima, predviđa rušenje i raseljavanje 12 palestinskih sela. Naredba automatski odbija sve zahtjeve za građevinske dozvole, a regija je proglašena vojnom zonom za obuku, čime se *2.500 palestinskih civila* izlaže prijetnji prinudnog premještanja. Ako

se sprovede, ovaj plan bi značio finalizaciju dugoročne politike etničkog čišćenja i ubrzanje kolonizacije kroz nasilne napade, rušenja, zabrane ispaše i otimanje imovine.

Desetine hiljada Palestinaca na Zapadnoj obali, uključujući Istočni Jerusalem, suočeni su sa prijetnjom neposrednog protjerivanja iz svojih domova i sa svoje zemlje. Više od *40.000 Palestinaca* ostaje prisilno raseljeno *pet mjeseci* nakon masovnog razaranja i etničkog čišćenja izbjegličkih kampova u Dženinu, Tulkaremu i Nur al-Šamsu, koje IOF drže blokiranim i onemogućavaju povratak.

Svjedočimo sprovođenju višedecenijskog projekta etničkog čišćenja i aneksije Zapadne obale, uključujući Jerusalem.

Rat dehumanizacije i istrebljenja koji Izrael vodi protiv palestinskog naroda mora biti zaustavljen. Potrebno je *trenutno, bezuslovno i trajno primirje* u Gazi i ostatku okupirane Palestine, uključujući Istočni Jerusalem.

Međunarodna zajednica mora odmah djelovati kako bi zaustavila izraelski zločinački pohod, prije nego što izgube živote još nevinih i prije nego što bude trajno uništen međunarodni pravni poredak, koji je građen 80 godina da bi štitio čovječanstvo.

To zahtijeva *hitnu i konkretnu akciju svih država* kako bi se:

- zaustavio genocid,
- zaustavilo etničko čišćenje,
- okončao aparthejd,
- okončala izraelska ilegalna kolonijalna okupacija.

Kako je naglasila Specijalna izvjestiteljka UN Francesca Albanese u svom posljednjem izvještaju *„Od ekonomije okupacije ka ekonomiji genocida“*, sve države imaju obavezu:

„Ne pomagati, ne trgovati sa Izraelom, ne slati oružje, ne kupovati oružje, ne dijeliti vojnu tehnologiju, ne kupovati vojnu tehnologiju.“

„Ovo nije čin milosrđa... Ovo je vaša obaveza.“

Samo korišćenjem mirnih, legitimnih instrumenata međunarodnog prava — uključujući humanitarno pravo kao i pravnu zaštitu ljudskih prava — i ispunjavanjem svojih obaveza, može se okončati ova nekažnjivost i neljudskost.

Kraj.

Srdačno,

Embassy of the State of Palestine - Montenegro

[image: Image result for palestine flag png]

Vaka Đurovića bb, 81000 Podgorica,

Phone: +382 (0)20 435 400

Facebook: <https://www.facebook.com/PALESTINAuCRNOJGORI/>